

29 156

DEO OPTIMO MAX.
QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum, die Jovis tertiâ mensis
Martii, Anno Domini M. DCC. LVII.

M. DAVID VASSE, Rei Herbariæ Professore,
M. JOANNIS DE DIEST, vices gerente,
Doctore Medico, Præside.

An sanitati noceat frequens expusio?

I.



EDICINÆ practicæ pars non infima Hygieine, cujus ob-
jectum quidquid sanitatem tueri, morbos præcavere, corpus-
que ad longævitatē disponere valet. Non igitur solummodo
aëris, cibi & potūs, motus & quietis, somni & vigiliæ, atque
animi affectuum moderatio ac regimen ad eam pertinent, ve-
rū etiam excernendorum retentio, & retinendorum excre-
tio ipsi veniunt præcavendæ. Scilicet inter humores diversos qui à sanguine
tanquam à fonte communi per diversa incernicula, sive glandulas veras si-
poros simplices, segregantur ac fecernuntur, alii ad certos usus vel indivi-
dui conservandi vel sobolis propagandæ à beneficiâ Naturâ destinantur, &
appellantur *Recrementitiis*; alii verò à Recrementorum elaboratione residui,
assimilationem cum liquidis humanis pati indociles, tanquam inutiles imò
noxii amandantur foras & *Excrementitiis* dicuntur; alii tandem, quasi mixtæ
indolis, non immediatè quidem ad actiones naturales conferunt ut recre-
menta, nec aliunde perpetuò inutiles & noxios sese exhibent ut excrementa,
sed partibus inungendis, lubricandis & ab excrementorum acrimoniam defen-
dendis inserviunt, nec unquam nocent nisi fortè qualitate peccent vel copiam.
Qui quidem humores (malè à quibusdam inter recrementitios, pejùs à non-
nullis inter excrementitios recensiti, meliùs fortasse *Lubricantes* proprio no-
mine appellandi) quandoque intrà corpus retineri, quandoque à corpore
eliminari possunt imò debent salvâ œconomiâ animalii. At verò non idem de
Recrementis & Excrementis ita propriè dictis affirmari potest. Quantum enim
horum retentio sanitati noceret, tantum illorum excretio nimia foret insa-
lubris. In hanc Regulam non frequentius peccatur quàm dum sive pravâ
consuetudine, sive ignorantia & errore, ferè indefinenter expusitur. Tunc
enim foras ejicitur humor blandus & utilis quo non salubrior alter in toto
corpore, saliva nempe, quæ si deglutiretur & sanguini rursus misceretur, me-
lior fieret ac melior, quàm verò deficiente innumera oriuntur mala.

I I.

PLURIMI hospitantur in humano corpore humores quorum ignora-
tur natura imò existentia ambigitur, vel quia ob tenuitatem nimiam ocu-
los fugiunt, vel quia difficile est admodum illos in animalibus vivis ex ipso
fonte sincerò haurire, & sufficienti copia colligere explorandos. Anatomici
qui hætenus in detegendis corporis partibus solidis multum nec sine fructu
insudarunt, de fluidis ferè siluere quasi his non æquè ac prioribus staret œco-

A

nomia animalis. Chémia cuius obiectum est varias entium naturalium proprietates indagare, plurima de Regno fossili, pauciora de vegetabili, paucissima de animali hucusque suppeditavit. Adeo ut vix quidquam de humoribus tum sanis tum morboris nobis constet, nedum œconomiae animalis Doctrina perfectionis culmen, ut quidam autumant, attigerit. Attramen hoc vitium in salivam non cadit, cuius utique ea est scaturigo, eaque copia & colligendi facilitas, ut de ipsius naturâ & usu, tum ex qualitatibus nativis & phœnomenis quæ absque ignis torturâ exhibet, tum ex Analyfi Chémicâ, ritè exploratis aliquid certi statuere possimus unde præsentis humoris illius utilitas absentis noxa inferatur. Secernitur quidem à sanguine puro, arterioso, multis variisque glandulis quas communi nomine *Stomaticas* Steno appellavit, (quarum quidem naturam, fabricam & situm docet Anatome) nimirum parotides, maxillares; sublinguales, buccales, palatinas & tonsillas, ex quibus per plures ductus secretorios in oris cavum undique confluit, copiosius autem inter manducandum & loquendum. Quod attinet ad qualitates nativas salivæ, 1°. Diluta & pellucida est, odoris & saporis ferè prorsus expers. 2°. Igne non concrevit, ut de lymphâ constat, sed candenti laminâ metallicâ imposita rota evanescit. 3°. Conquassata tenaciter spumescit. 4°. Vestium maculas abstergit saponis instar, ulcera mundat, tumores resolvit. 5°. Farinæ fermentationem promovet, ut patet ex more vetularum Indiarum edentularum orizam & Maiz manducantium, dein succum cum salivâ mistum expungunt in vasa, ut inde fermentatione paulatim conceptâ parentur potus inebriantes hisce gentibus acceptissimi. 6°. Tamen nimiam substantiarum animalium ad putrefactionem, vegetabilium ad acescentiam dispositionem reprimere ac moderari videtur juxta Clariss. Pringle* experimenta. 7°. Tandem ore plane sicco deficit saliva nullomodo sentiuntur sapores, licet lapidissima corpora linguae & palato applicentur; dum vitiatum, injucundè gustum afficiunt. Si autem saliva distillationi secundum artem subijciatur, suppeditat 1°. Liquores varios phlegmatico-salinos qui Tincturæ florum malvæ virorem communicant & cum spiritibus acidis effervescunt. 2°. Olei Empyreumatici & alkalibus saturati guttas aliquot. 3°. Ex massâ residuâ, calcinando & elixivando aliquantula salis alkalini fixi quantitas educitur. 4°. Paucissima remanet terra Damnata Chemicis dicta. Ex his itaque non difficili negotio concludere est salivam esse humorem blandum ex copioso phlegmate, multo sale alkalino volatili* aqueis partibus tamen dilutius quàm ut organa sensuum afficiat, aliquantulo oleo sive sulphure Physiologis dicto & paucio sale alkalino simul in saponem coactis, tandemque terrâ paucissimâ compositum: adeoque genuinum ipsius usum esse non modo vias deglutionis lubricare, quod potius verum est de tonsillarum & uvulæ muco, sed vehiculum præbere saporibus solvendo alimentorum sales, ac potissimum alimenta duriora & sicciora jam manducatione contrita penetrare, emollire, humectare, dissolvere, primarum viarum digestionem inchoare, ingesta ad assimilationem in naturam nostram disponere, atque ipsis primum quasi animalitatis signillum imprimere.

* Vid. Mém. 5.
sur les Substances
séqueues.

* Sal ille volatilis se manifestat odore urinoso dum lingue applicatur sal alkal. frus cuius actione resolvitur sal. va.

III.

P R I N C I P E M ergo inter humores Recrementitios locum tenet saliva; pro præsertim titulo quod Digestioni opituletur, ut satis superque evincit tum illius humoris qualitas, copia, secretionis locus, tum fontium ex quibus manat numerus, situs, vicinia. Porro humor Recrementitius alimentorum coctioni interserviens nunquam potest sine noxâ rejici, imò quot & quanta ex frequenti illius exspiratione oriri debeant incommoda veras acco-

nomiæ animalis leges callenti patefcit. Non enim jam per Digestionem intelligitur fola ex ingeftis per tritum fimplicem Chyli extractio, qualis fecundum artem ex mucilaginofis feminibus extrahitur emulfio. Id figmenti evenit ex multiplici alimentorum adeo inter fe discrepantium naturâ unus & idem fempet nafcens chylus, ac requirit potiùs actionem humorum folventium ex ipfâ fanguine maflâ per coctiones præcedentes paratorum, & affiduâ elaboratione fecretorum, variorum fortaffe in variis animalium fpeciebus, quorum ea fit energia ut tam diverfas ingeftorum fubftantias inter fe mifcere, & cum corpore nutriendo jam affimilare, earum odorem & faporem mutare, motum inteftinum in iis excitare, inchoare fermentationem, putrefactionem retardare, falina folvere, oleofa cum aquofis mifcere, & ex iis tandem humorem blandum, uniformem, per lacteorum ofcula meabilem, cum lymphâ & fanguine mifcibilem parare poffint. Atqui ex antecelfis patet falivam ad eos omnes effectus præftantiffimos fymbolum primariò conferre tum vi faponaceâ quæ ex oleo & fale alkalino exurgit, tum aquâ & fpiritibus quibus etiam conftat, tum denique perfectâ ipfius coctione & crudam affimilandi virtute fingulari quam reforptione in fanguinem & iteratis circulationibus acquirit. Deficiente igitur falivâ, non folum pauciori quantitate ex ingeftis educitur chylus, fed etiam paratur deterior; fi quidem obfervatum eft * panem nigrum, fi fubito abfque manducatione devoretur, & fine falivæ admiffione, poft aliquot horas nihil mutatum revomi, eundem verò, fi dentibus probè fubigatur, & cum falivâ intimè mifceatur, in album liquorem abire chylo fimillimum. Unde tritum illud animam fuam odiffe qui odert mafficationem. Chylus autem deterioris notæ difficulter admodum in fanguinem mutabitur, fed per urinæ vias maximam partem eluetur & amandabitur foràs; adeoque etiam vel nihil vel parum lymphæ nutritiæ fuppedita-bit, nec non aliorum pariter quorumlibet Recrementorum, præfertim falivæ ipfiusmet, fecretis perturbabitur, unde rurfus eadem imò pejora redibunt incommoda. Quamvis enim iifdem quibus nutritur conftemus, debet tamen præparari in corpore materies nutrienda ut affimiletur in naturam noftram & refituere poffit illa quæ per actionem ipfam vitæ deperduntur, fi quidem non ingefta quælibet fed digefta fola nutriunt. Læfâ autem primâ coctione feu mutatione alimentorum in chylum, læduntur & aliæ, nimirum chyli in fanguinem transformatio, & fanguinis ipfius in lympham nutritiam toti corpori profpicientem aliæque recrementa partibus fingularibus utilia mutatio, quæ eft fanè ultimus coctionis animalis terminus & finis.

* Boerh. Præleç.
Acid. §. 78.

I V.

QUOD jam de falivæ ufu ac neceffitate ratione evicimus, id quoque quotidiana comprobatur experientia. Sic, dum in primis viis aguntur tragædiæ, obfervamus eos qui frequentius fpuunt appetitu carere, faftidire cibos, difficulter ac ne vix quidem concoquere, flatibus obnoxios effe. Cum autem ulterius proceffit mali labe, tunc temporis, confumptâ per nimiam falivæ excretionem liquidiori materiâ, lentiffima fit reliqua humorum mafla, vix permeabilia fiunt vafa capillaria, impeditur circulatio in minimis vifcerum præfertim abdominalium vafculis, morbus nafcitur hypochondriacus, unde merito olim Hippocrates fputatores melancholicos effe aut fieri pronuntiavit. Cujus quidem rei exempla quotidie nobis præbent ii quibus familiare eft perpetuò maflichen vel tabacum mandere, aut etiam tabaci fumum ex fiflulâ frequenter fugere. Hi enim, teftè Experientiâ, corpus fuum exhauriunt & in anorexiam, maciem, firim, tabem, melancholiam denique fe præcipitant. Olim more fuit receptum inter aulicos Galliæ noftræ, ad exemplum

Principis, ut pastillos ex mastiche aliisque medicamentis odoratis compositos continenter manducarent, unde ferè omnes in terrimam atram bilem inciderunt, ex quâ non convaluere, nisi prius cognitâ mali causâ à mastiche manducatione desinere iussi. Tandem non modò chylus, non modò sanguis, sed etiâ lymphâ nutritia blando ac dulci balsamo ad restaurandas vires adeò necessàrio per hanc detestabilem spendi consuetudinem orbat, & sensim corpus miserè tæbescit. Unde Boerhaavius ait salivam expuitione voluntariâ nimis secretam *αρεσέλιαν, δυνάμιαν, άρροσλιαν* creare. Narrat Ruyschius*, auctor gravissimus, puellam annos duodecim natam, quæ ob ingentem plagam in inferiori labro stillicidium perpetuum salivæ perpetiebatur, corpus habuisse diu tenellum & admodum exile, sanatam verò mox increvisse & justam corporis magnitudinem adeptam esse. Idem invisit matronam quandam Amstelædamensem summoperè emaciatam & consumpti ferè corporis, quam deseruerant desperantes omninò de sanitate Medici. Dum circumspiceret ad omnia sedulus Medicus ut inquireret in causas mali, vidit fortè eam omni temporis momento in vas à latere appositum salivam expuere. Vetuit illicò ne hunc benignum humorem ejiceret. Quæ rerum mutatio! Brevi sanata fuit absque ope, sine necessitate alterius auxilii: nec semel id se vidisse ait, imò verè sæpenumero. Et sanè nemini inter attentos Medicos non contigit simile quid observare. *Quam errant igitur, ut cum Ruyschio* dicam, qui salivam pro excremento noxia habentes, eam abjiciunt, còque pulchrius valere putant hominem quò frequentius eo corpus exonerat, cum in finem sialogoga adhibentes & offas tenaces manducandas!*

* Ruysch. Adv.
B. n.º. j.

* Ruysch. Ibid.

V.

NEC suadere debent expuitionem casus nonnulli in quibus proritur salivæ uberior excretio, v. g. in lue venereâ, in cachexiâ. In hac enim non tam vera saliva ejicitur quam aqua inutilis & redundans ad quam eliminandam commendantur masticatoria; in illâ autem id quod salivatione Mercuriali effluit est liquamen putridum è sanguine liquefacto exulans à salivæ naturâ alienum. Neque etiam salivæ inutilitatem arguere debet critica per glandulas salivarias evacuatio in variolis & quibusdam aliis morbis exorta: hac enim viâ tunc liberatur corpus noxiâ perspirationis insensibilis materiâ, quæ crustâ cutem tegente intra sanguinis rivos repulsa est. Nec tandem cum excreatione confundenda perperam expuitio. Hæc enim est puræ putæ salivæ excretio, illa autem est viscosi muci à salivâ dissimilis ex asperâ arteriâ, bronchiis, imò tonsillis cum quodam conatu rejectio, quæ quidem sæpiùs, præsertim matutino tempore, utilis est ac necessaria, dum scilicet ille mucus copiâ vel spissitudine peccans, partium lubricationi jam ineptus, morâ duntaxat & stagnatione excrementitius fit & excreandus. Saliva autem, quantâ libet copiâ secernatur in os, nunquam tamen excrementi nomine venit; sed Naturâ per somnum monstrante viam, semper deglutienda. Deglutita enim, & sanguini iterum atque iterum mista, repetitâ quasi cohobatione optima fit & in menstruum perfectissimum elaboratur.

Ergo sanitati nocet frequens expuitio.

Proponebat Parisiis JACOBUS SAVARY, Æduensis, Doctor Medicus Remensis, Saluberrimæ Facultatis Medicinæ Parisiensis Paccalaureus, Theos Auctor, A. R. S. H. 1757.

A S E X T A A D M E R I D I E M.